

www.BibleForChildren.org



Medhetethi 6



Nohe taarkey haysafe kaallidi
xaafetidaysa. Nohey ba wode
de7iya asa giddofe Xoossaa
ufaysiyanne suure asi.

Xoossay ha biitta xeelliya wode
sa7an de7iya asa ubbay banta

ogiya tunisidi
de7eysa
be7is.



Hessa gisho, Xoossay Nohe haysada yaagidi kiittis; "Taani asa ubbaa dhaysana hanayis. Enta gaason biittay geellatethan kumida gisho, ase biittafe dhaysana."




"Hessa gisho, mino mithafe new markabe keexa. He markabiya gidon daro qol7ata kessa. Yaatada sooranne karera made melaban meesha."



Markabiya haysada
yaatada keexa;
adussatethaa 300

wadha, gompaa
50 wadha, geesa
30 wadha ootha.




"Qassi hintenne do7ati
maanaw dummera dummera
qommo miya kathi efada,
markabiya gidдон
qola" yaagis.



Enti neera de7on daana mela, de7oy de7iya
medhetetha ubbaafe qommon qommon addenne
macca nam7a nam7a oothada, markabiya
giddo gelsa.




Neeni tuna gidonna mehenne do7a
ubbaafe iya qommofe qommofe
addenne macca laapun laapun,
tuna mehenne do7a ubbaafe
iya qommofe qommofe issi
addenne issi macca
gelsa.





Nohey, iya adde nayti,
iya machiyanne iya nayta
macheti dhayo haathaafe
attanaw markabiya
giddo gelidosona.





Nohey usupun xeetu laythi
de7in, nam7antho ageenan,
tammanne laapuntha gallasan,
biitta gidдон de7iya gita ciimmuwa
pulto ubbay dhuuqi aggis. Salon de7iya
haatha maskooteti dooyetidosona.





Iray ha sa7aa bolla oytamu gallasinne
oytamu qamma bukis.



Haathay biitta bolla keehi darin,
markabey haatha bolla tooketis.



Salope garsan de7iya zumati ubbay mitettana gakanaw
haathay sa7a bolla keehi daris. Biitta bolla de7iya ba
siidhera de7o shempo shempiya ubbayka hayqis.



Shin Xoossay Nohe, iyara markabiya
gidдон de7iya do7a ubbaanne mehe
ubbaa qopidi sa7a bolla carko carkisin
he haathay wodhi wodhi bis.



Oytamu gallasape guye, Nohey ba keexida



markabiya maskootiya
dooyidi issi quuro kare
yeddin quuroy haathay biitta
bollafe melana gakanaw,
yaanne haanne piradhishe
gam7is. Qassi Nohey haathay
biitta bollafe wodhi wuridaako
be7anaw issi holle kare yeddis.



Nam7antho ageenan laatamanne laapuntha gallasan,
biittay kumethi melis. Xoossay he wode Nohe
haysada yaagidi kiittis; "Neeni, ne
machiw, ne adde naytanne ne
nayta macheta ekada
markabiya giddofe keya."




Hessafe guye, Nohey Godaas yarsho bessi gimbidi
tuna gidonna
mehenne do7a
ubbaafe, tuna
gidonna kafo ubbaafe
ekidi, giigisida bessan
yarsho oothidi xuuggis.



Qassika Xoossay,
"Taani taapenne
hintefe, de7oy
de7iya medhetetha
ubbaafe gidдон caaqiya
caaquwa mallay haysa;
Taani ta zuulla shaaran essas.

I taapenne sa7a bolla
de7iya medhetetha
gidдон de7iya
caaquwas
malla gidana."





"Ta saluwa
shaara mayzida
wodenne shaaran
zuulli eqida wode,
taapenne hintefe gidдон,
de7oy de7iya dumma
dumma medhetetha ubbaafe

gidдон caaqida ta
caaquwa akeekana.
De7oy de7iya
medhetetha ubbaa
dhaysanaw hizape guye
dhayo haathi yeenna."



Xoossay Nohenne iya
adde nayta haysada yaagidi
anjis; "Yeletite, darite, sa7a ubbaa
kumite. Markabiyape keyida Nohe
adde nayti Seema, Kaamanne
Yaafeta; Kaami Kanaane
aawa. Ha heedzati
Nohe nayta;

sa7a ubban de7iya
asay entafe yeletidosona."



Xoossaa Na7aa ammaniya ubbay
merinaa de7uwa laattanaape attishin,
dhayonna mela Xoossay ha alamiya
daro dosida gisho ba issi
Na7aa immis.



Roome 3:23 Asa ubbay nagara oothidosona; Xoossay entaw immida bonchuwafe haakidi attidosona.

Roome 6:23 Nagara gatey hayqo. Shin Xoossay, nu Godaa Kiristoos Yesuusa baggara immiya imotay merinaa de7o.

Ibraawe 9:27 Asi ubbay issi toho hayqanaw hessafe guye pirdetanaw bessees.

Efesoona 2:8,9 Hinte aadho keehatethan ammanon attideta. Hessika, Xoossaa imotape attishin, hinte ooson bentidaba gidenna. Oonika ceeqetonna mela atotethay bentiday ooson gidenna.



Roome 10:9,10 "Yesuusi Godaa" gada ne doonan markatikonne Xoossay iya hayqope denthidaysa ne wozanan ammaniko, ne attana. Asi ba wozanan ammanidi xillees; ba doonan markatidi attees.

Yohaanaisa 3:16,17 Xoossaa Na7aa ammaniya ubbay merinaa de7uwa laattanaape attishin, dhayonna mela Xoossay ha alamiya daro dosida gisho ba issi Na7aa immis. Xoossay ba Na7aa ha alamiya kiittiday alamiya pirdanaw gidonashin alamiya iya baggara ashshanaasa.

1 Yohaanaisa 5:11-13 Hiza, markatethay haysa; Xoossay nuus merinaa de7o immis; he de7oyka iya Na7an de7ees yaageysa. Xoossaa Na7ay de7iya oodeska de7oy de7ees. Xoossaa Na7ay bayna oodeska de7oy baawa. Xoossaa Na7an ammaniya hintew merinaa de7oy de7eysa hinte erana mela haysa hintew xaafas.



Medhetethi 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Gofa Bible (gof) The Word for the World International and
The Word for the World Ethiopia

<https://www.bible.com/en-GB/bible/2344/GEN.1.GFBLVF>

©2026 Bible for Children, Inc.

www.M1914.org

www.bibleforchildren.org

